

Праздничная молитва на Воздвижение
Креста Господня
(Минея. Утреня. Келейный чин для мирян)

Чтец:

Моли́твами святы́х оте́ц на́ших, Го́споди Иису́се
Христé, Бо́же наш, помíлуй нас

Поem:

Аминь.

Чтец:

Святы́й Бо́же, Святы́й Кре́пкий, Святы́й Безсме́ртный,
помíлуй нас. (Трижды)

Сла́ва Отцу́ и Сы́ну и Свято́му Ду́ху, и ны́не и прісно и во
ве́ки веко́в. Ами́нь.

Пресвята́я Тро́ице, помíлуй нас; Го́споди, очісти грехі
на́ша; Влады́ко, прости́ беззакóния на́ша; Святы́й, посети́
и исцели́ немо́щи на́ша, імене Твоего́ ра́ди.

Го́споди, помíлуй. (Трижды)

Сла́ва Отцу́ и Сы́ну и Свято́му Ду́ху, и ны́не и прісно и во
ве́ки веко́в. Ами́нь.

Поem:

О́тче наш, Іже еси́ на небесéх! Да святі́тся імя Твое́, да
при́дет Ца́рствие Твое́, да бу́дет во́ля Твоя́, я́ко на небесі́

и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Чтец:

Господи, помилуй. (12 раз)

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Царю нашему Богу.

Приидите, поклонимся и припадём Христу, Царю нашему Богу.

Приидите, поклонимся и припадём Самому Христу, Царю и Богу нашему.

Поём:

Символ веры

Верую во единого Бога Отца, Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рождённого прежде всех век; Света от Света, Бога истинна от Бога истинна, рождённа, несотворённа, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятого же за ны при Понтийстем Пилате, и страдавша, и погребённа. И воскресшаго в третий день по Писанием. И возшедшаго на небеса, и

сѣдѣща одеснѹю Отца. И паки грядѹщаго со славою судити живѹм и мѣртвым, Егѡже Цѣрквию не бѹдет конца. И в Дѹха Святаго, Гѡспода, Животворящаго, Иже от Отца исходящаго, Иже со Отцем и Сыном спокланѣема и сславима, глаголавшаго пророки. Во едѣну Святѹю, Собѡрную и Апѡстольскую Цѣрковь. Исповѣдую едѣно крещѣние во оставлѣние грѣхов. Чаю воскресѣния мѣртвых, и жѣзни бѹдущаго вѣка. Аминь.

Чтец:

Бог Господь и явился нам, благословен грядый во имя Господне.

Поѣм:

Бог Господь и явился нам, благословен грядый во имя Господне. (Трижды)

Тропарь, глас 1:

Спаси, Гѡсподи, люди Твоя/ и благослови достояние Твое,/ победы на сопротивныя даруя// и Твое сохраняя Крестѡм Твоим жѣтельство.

Чтец:

Тѡкмо водрузи́ся Дрѣво, Христѣ, Креста Твоегѡ,/ основанія поколебашася смѣрти, Гѡсподи:/ Егѡже бо пожре желанием ад, отпусти́ трѣпетом;/ явил еси́ нам спасѣние Твое, Святы́й,// и славословим Тя, Сыне Бѡжий, помилуй нас.

Креста Твоегѡ Дрѣву покланѣемся, Человеколю́бче,/ я́ко на нем пригвозди́лся еси́, Животѣ всех./ Рай отворѣзл еси,

Спа́се, ве́рою прише́дшему Ти разбо́йнику,/ и сла́дости
сподо́бися, испове́даяся Тебе́:/ помяни́ мя, Го́споди./
Приими́, я́коже о́наго, и нас, зову́щих:// согреши́хом вси,
благоутро́бием Твои́м не прэ́зри нас.

Днесь проро́ческое испо́лнися сло́во:/ се бо покланя́емся
на ме́сто,/ иде́же стоя́ша но́ги Твоя́, Го́споди./ И, Дре́во
спасе́ния прие́мше,/ грехо́вных страсте́й свобо́ду
получи́хом// моли́твами Богоро́дицы, Еди́не
Человеколю́бче.

Прообража́ше та́инственно дре́вле Иису́с Нави́н Креста́
о́браз,/ егда́ ру́це простре́ крестови́дно, Спа́се мой,/ и ста
со́лнце, до́ндеже враги́ низложи́, противостоя́щия Тебе́,
Бо́гу;/ ны́не бо за́йде, на Кресте́ Тя зря,/ и, держа́ву
сме́ртную разруши́в,// весь мир совоздвигл еси.

Полиелей.

Поём:

Хвалите Имя Господне, хвалите раби Господа. Аллилуия.
Аллилуия. Аллилуия.

Благословен Господь от Сиона, живой во Иерусалиме.
Аллилуия. Аллилуия. Аллилуия.

Исповедайтесь Господеви, яко благ, яко в век милость
Его. Аллилуия. Аллилуия. Аллилуия.

Исповедайтесь Богу Небесному, яко в век милость Его.
Аллилуия. Аллилуия. Аллилуия.

Величание.

Велича́ем Тя,/ Живода́вче Христé,/ и чтим Крест Твой
святѣ́й,/ ѿмже нас спасл еси́// от рабо́ты вра́жия.

Чтец:

Седален.

В рай мя прѣ́жде дре́во обнажи́,/ о вкуше́нии враг принося́
умерщвле́ние,/ Креста́ же Дре́во, живота́ одея́ние
челове́ком нося́,/ водрузи́ся на земли́, и мир весь
испо́лнися вся́кия ра́дости./ Егóже зря́ще возвыша́ема,/
Бо́гу ве́рою, лю́дие, согла́сно возопи́йм:// испо́лнь сла́вы
дом Твой.

Поѣм:

От ю́ности моея́ мно́зи бо́рют мя́ стра́сти, но Са́м мя́
засту́пи, и спаси́ Спа́се мо́й.

Ненави́дящии Сио́на, посра́мьтесь от Го́спода: я́ко трава́
бо огне́м бу́дете изсо́хше.

Сла́ва Отцу́ и Сы́ну и Свято́му Ду́ху, и ны́не и прѣ́сно и во
ве́ки веко́в. Ами́нь.

Святы́м Ду́хом вся́ка душа́ живи́тся и чистото́ю
возвыша́ется, светле́ется Тро́ическим еди́нством
священнота́йне.

Чтец:

Прокімен, глас 4: Вѣдеша вси концы земли/ спасение
Бога нашего.

Поём:

Вѣдеша вси концы земли/ спасение Бога нашего.

Чтец:

Воспойте Господеви песнь нову, яко дивна сотвори
Господь.

Поём:

Вѣдеша вси концы земли/ спасение Бога нашего.

Чтец:

Вѣдеша вси концы земли/

Поём:

Спасение Бога нашего.

Чтец:

Всякое дыхание да хвалит Господа.

Поём:

Всякое дыхание да хвалит Господа.

Чтец:

Хвалите Бога во святых Его, хвалите Его во утверждение
силы Его.

Поєм:

Всякое дыхание да хвалит Господа.

Чтец:

Всякое дыхание

Поєм:

Да хвалит Господа.

Чтец:

От Иоанна Святаго Евангелия чтёние

Поєм:

Слава Тебе, Господи, слава Тебе.

Чтец:

Ин., зач. 42, от полу́:

Рече́ Господь: Отче, просла́ви и́мя Твое́. При́де же глас с небесе́: и просла́вих, и па́ки просла́влю. Наро́д же стоя́й слы́шав, глаго́лаху: гром бысть, инии глаго́лаху: Ангел глаго́ла Емú. Отвещá Иисýс, и рече́: не Мене́ ра́ди глас се́й бысть, но наро́да ра́ди. Ны́не суд есть ми́ру семú: ны́не князь ми́ра сегó изгна́н бу́дет вон. И а́ще Аз вознесе́н бу́ду от земли́, вся привлеку́ к Себе́. Си́е же глаго́лаше, назна́менуя, ко́ею сме́ртию хотя́ше умре́ти. Отвещá Емú наро́д: мы слы́шахом от зако́на, я́ко Христóс пребыва́ет во ве́ки: ка́ко Ты глаго́леши, вознесе́йся подобáет Сы́ну Человéческому? Кто есть сей Сын Человéческий? Рече́

же им Иисус: ещё мало время свет в вас есть. Ходите, дондеже свет имате, да тма вас не имет. И ходяй во тме не весть, камо идет. Дондеже свет имате, веруйте во свет, да сынове света будете.

Поём:

Слава Тебе, Господи, слава Тебе.

Воскресение Христо́во ви́девше, / поклонимся Свято́му Го́споду Иису́су, / еди́ному безгре́шному. / Кресту́ Твоему́ покланя́емся, Христé, / и свято́е Воскресéние Твоé поём и сла́вим. / Ты бо еси́ Бог наш, / разве Тебé ино́го не зна́ем, / и́мя Твоé имену́ем. / Приидите, вси ве́рнии, / поклонимся Свято́му Христо́ву Воскресéнию: / се бо при́иде Кресто́м ра́дость все́му миру. / Всегда́ благословя́ще Го́спода, / поём Воскресéние Егó: / распя́тие бо претерпе́в, / сме́ртию смерть разруши́.

Сла́ва Отцу́ и Сы́ну и Свято́му Ду́ху:

Моли́твами апо́столов, / Милостиве, очисти множество беззаконий наших.

И ны́не и прі́сно и во ве́ки веко́в. Ами́нь.

Молитвами Богородицы, Милостиве, очисти множество беззаконий наших.

Помілуй мя, Бо́же, по вели́цей ми́лости Твоéй, и по мно́жеству щедро́т Твои́х очисти беззако́ние моé.

Крёсте Христóв, христиáн упováние,/ заблúждших
настáвниче,/ обуреváемых пристáнище,/ в брáнех побéда,
вселénныя утверждéние,/ недúжных врачú,/ мёртвых
воскресéние, // помíлуй нас.

Канон, глас 8.

Пёснь 1.

Ирмós:

Крест начертáв, Моисéй/ впрáмо жезлóм Чермнóе
пресечé,/ Изрáилю пешеходящу;/ тóже обрáтно
фараóновым колеснícам,/ удáрив, совокупí,/ вопрекí
написáв непобедíмое ору́жие. // Тем Христú поим, Бóгу
нáшему, я́ко прослáвился.

Чтєц:

Слáва, Гóсподи, Крестú Твоемú Честнóму.

Образ дрéвле Моисéй пречíстыя Стра́сти в себé самóм
прообразí,/ священных средé стоя:/ Крест же вообразív,/
простёртыми побéду длáньми воздвíже,/ держáву погубív
Амалíка всегубíтеля. // Тем Христú поим, Бóгу нáшему,
я́ко прослáвился.

Слáва, Гóсподи, Крестú Твоемú Честнóму.

Возложí Моисéй на столпé врачевствó,/ тлетворíваго
избавлéние и ядовíтаго угрызéния,/ и дрéву óбразом
Крестá/ по землí пресмыка́ющагося змíя привязá,/

лука́вный в сем обли́чив вред.// Тем Христу́ по́йм, Бо́гу
на́шему, я́ко просла́вился.

Сла́ва, Го́споди, Кресту́ Твоему́ Честно́му.

Показа́ не́бо Креста́ побéду благоче́стия держа́телю и
царю́ богому́дру,/ враго́в в нёмже злосе́рдных низлож́ися
сви́репство,/ лeсть же преврат́ися,/ и ве́ра распротрeся
земны́м концéм Божéственная.// Тем Христу́ по́йм, Бо́гу
на́шему, я́ко просла́вился.

Сла́ва Отцу́ и Сы́ну и Свято́му Ду́ху.

И ны́не и пр́исно и во ве́ки веко́в. Ами́нь.

Поём:

Катавасия:

Крест начертáв, Моисéй/ впр́ямо жезло́м Чермно́е
пресече́,/ Изра́илю пеше́ходящу;/ то́же о́братно
фарао́новым колесни́цам, уда́рив, совокуп́и,/ вопреки́
написа́в непобеди́мое ору́жие.// Тем Христу́ по́йм, Бо́гу
на́шему, я́ко просла́вился.

Пéснь 3.

Ирмо́с:

Жезл во о́браз та́йны приéмлется,/ прозябéнием бо
предразсужда́ет свяще́нника;/ непло́дящей же прéжде
Цéркви,/ ны́не процветé Дре́во Креста́,// в держа́ву и
утвержде́ние.

Чтец:

Сла́ва, Го́споди, Кресту́ Твоему́ Честно́му.

Яко испустí, ударяе́мь, во́ду краесекóмый/ непокорíвым
лю́дем и жестосéрдным,/ богозвáнный проявля́ше Цéркве
та́инство,// ея́же Крест держа́ва и утвержде́ние.

Сла́ва, Го́споди, Кресту́ Твоему́ Честно́му.

Ре́бром пречи́стым, копи́ем прободéнным,/ вода́ с Кро́вию
истече́,/ обновля́ющая Завет и омыва́тельная греха́://
ве́рных бо Крест похва́ла и царей держа́ва и утвержде́ние.

Сла́ва Отцу́ и Сы́ну и Свято́му Ду́ху.

И ны́не и прýсно и во ве́ки веко́в. Ами́нь.

Поём:

Катавасия:

Жезл во о́браз та́йны прие́млется,/ прозябéнием бо
предразсужда́ет священника;/ неплодя́щей же прёжде
Цéркви/ ны́не процветé Дре́во Креста́// в держа́ву и
утвержде́ние.

Седален

Чтец:

В тебе́, треблаже́нне и жизнеда́вче Крёсте,/ лю́дие
учрежда́ющиеся, спраздную́т с невещёственными ли́ки,/

чїни архиерейстии благоговейно воспевают,/ множества
же монашествующих и постников покланяются,// Христа
же распеншагося вси славим.

Песнь 4.

Ирмос:

Поём:

Услышах, Господи,/ смотрения Твоего таинство,/ разумех
дела Твоя// и прославих Твое Божество.

Чтец:

Слава, Господи, Кресту Твоему Честному.

Горькородныя преложї древом Моисей/ источники в
пустыни древе,/ Крестом ко благочестию языков//
проявляя преложение.

Слава, Господи, Кресту Твоему Честному.

Глубинѣ вѣдривый секущую/ издаде Иордан древу,/
Крестом и крещением// сечение лѣсти знаменуя.

Слава, Господи, Кресту Твоему Честному.

Священно ополчаются/ четверочастнии людіе,
предходяще/ образом свидетельства скїнии,//
крестообразными чїнами прославляеми.

Слава, Господи, Кресту Твоему Честному.

Чудно простира́емь,/ со́лнечныя лучи́ испуща́ше Крест,/ и
пове́даша небеса́// сла́ву Бо́га на́шего.

Сла́ва Отцу́ и Сы́ну и Свято́му Ду́ху.

И ны́не и прісно и во ве́ки веко́в. Ами́нь.

Поєм:

Катавасія:

Услы́шах, Го́споди,/ смотре́ния Твоего́ та́инство,/ разуме́х
дела́ Твоя́// и просла́вих Твое́ Божество́.

Пёснь 5.

Ирмо́с:

О треблаже́нное Дре́во,/ на нёмже распя́ся Христос, Царь
и Госпо́дь,/ Имже паде́ дре́вом прельсти́вый,/ тобо́ю
прельсти́вся,/ Бо́гу пригвозди́вшуся Пло́тию,//
пода́ющему мир душáм на́шим.

Чтец:

Сла́ва, Го́споди, Кресту́ Твоему́ Честно́му.

Тебе́, приснопётое Дре́во, на нёмже простре́ся Христос,/
Еде́м храня́щее обраща́ющееся ору́жие, Кресте, устыде́ся:/
стра́шный же Херуві́м уступі́ на тебе́ пригвожде́нному
Христу́,// пода́ющему мир душáм на́шим.

Сла́ва, Го́споди, Кресту́ Твоему́ Честно́му.

Подзёмных сѣлы протѣвныя Крестá страшáтся/
начертáема знáмения на воздýсе,/ по немýже хóдят
Небѣсных и земнорóдных рóди,/ колéна приклоняюще
Христý,// подающему мир душáм нáшим.

Слáва, Гóсподи, Крестý Твоемý Честнóму.

Заря́ми нетлénными я́влься Божѣственный Крест/
омрачénным язы́ком, заблуждénным в прѣлести,/
Божѣственный свет облиста́в,/ усво́ет на нем
пригвождénному Христý,// подающему мир душáм
нáшим.

Слáва Отцý и Сы́ну и Святóму Дýху.

И ны́не и прѣсно и во вѣки векóв. Амѣнь.

Поём:

Катавасия:

О треблажénное Дрэво,/ на нёмже распя́ся Христóс, Царь
и Госпóдь!// Имже паде́ дрéвом прельстѣ́вый,/ тобóю
прельстѣ́вся,/ Бóгу пригвоздѣ́вшуся плóтию,// подающему
мир душáм нáшим.

Пѣснь 6.

Ирмóс:

Вóднаго звѣря во утрóбе/ длáни Ио́на крестовѣ́дно
распростѣ́р,/ спасѣ́тельную Страсть прообража́ше я́ве./

Тем, триднёвен изшёд,/ премірное Воскресёние
прописа́ше/ Плотию пригвождённого Христа́ Бо́га// и
триднёвным Воскресёнием мир просвѣщаго.

Чтец:

Сла́ва, Го́споди, Кресту́ Твоему́ Честно́му.

Ста́ростию преклоні́вся и недуго́м отягчѣн, испра́вися
Иа́ков, ру́це премені́в,/ де́йствие явля́я жизнот́снаго
Креста́:/ и́бо ве́тхость зако́ннаго сенот́внаго писа́ния
новописа́ на сем Плотию пригвозди́выйся Бог// и
душегуби́тельный неду́г ле́сти отгна́.

Сла́ва, Го́споди, Кресту́ Твоему́ Честно́му.

На ю́ныя возложі́в длáни божѣственный Изра́иль,
крестові́дно главы́ явля́ше,/ я́ко старѣ́йшая сла́ва,
законослужі́тели лю́дие./ Те́мже, подмне́вся та́ко
испрельстѣ́тися, не измени́ жизнот́снаго о́браза:/
превзы́дут бо лю́дие Христот́вы Бо́жи
новоутверждѣ́ннии,// вопія́ху, Крестомъ огражда́еми.

Сла́ва Отцу́ и Сы́ну и Свято́му Ду́ху.

И ны́не и прі́сно и во ве́ки веко́в. Ами́нь.

Поєм:

Катавасия:

Воднаго звѣря во утрѣбе/ длани Иона крестовѣдно
распростѣр,/ спасительную Страсть проображаше яве./
Тем, триднѣвен изшѣд,/ премѣрное Воскресѣние
прописаше/ Плотию пригвождѣннаго Христа Бѣга// и
триднѣвным Воскресѣнием мир просвѣщаго.

Чтец:

Кондак, глас 4:

Вознесѣйся на Крест волею,/ тезоименитому Твоему
новому жителству/ щедрѣты Твоя даруй, Христѣ Бѣже,/
возвесели нас силою Твоею,/ победы даю нам на
супостаты,/ посѣбие имущим Твое оружье мѣра//
непобѣдимую побѣду.

Икос:

Иже до третѣяго Небесѣ восхищен бысть в рай,/ и глаголы
слышав неизреченныя и Божественныя,/ ихже не леть
языки человеческими глаголати,/ что галатом пишет, яко
рачителіе писаний прочтѣсте и познаете:/ мне, глаголет,
хвалитися да не будет,/ токмо во едином Крестѣ Господни,
на немже страдав, убѣ страсти./ Того убо и мы известно да
держим, Крест Господень, хвалу вси:/ есть бо нам
спасительное сие Древо// оружье, мѣра непобѣдимая
побѣда.

Пѣснь 7.

Ирмѡс:

Поѣм:

Безумное велѣние мучителя злочестиваго люди поколеба,/ дѣшущее прещѣние и злохуленіе богомерзкое;/ обаче три ѡтроки не устраши ярость звѣрская,/ ни огонь снѣдаяй,/ но противодѣшущу росно́сному Духу,/ со огнемъ сущѣ, пояху:// Препѣтый ѡтцѣв и нас Бѡже, благословѣн еси.

Чтѣц:

Сла́ва, Го́споди, Кресту́ Твоему́ Честно́му.

От дре́ва вкусѣвъ, пе́рвый в челове́цех в тлѣние вселѣся:/ ѡтверже́нием бо жи́зни безче́стнейшимъ осудѣвся,/ все́му ро́ду телотлѣнен не́кий ꙗко вред недѹга преподаде;/ но, ѡбрѣтше, земноро́днии, воззва́ние крѣстнымъ Дре́вомъ, зове́м:// препѣтый ѡтцѣв и нас Бѡже, благословѣн еси.

Сла́ва, Го́споди, Кресту́ Твоему́ Честно́му.

Разруши́ повелѣние Бѡжие преслуша́ние,/ и дре́во принесѣ смерть челове́ком,/ еже неблаговре́менно прича́стно бѣвшее;/ во утвержде́ние же зело́ честна́го/ ѡтту́ду жи́зни дре́во возбрана́емо бе,/ еже разбо́йнику злоуме́ршу ѡтвѣрзе, благоразу́мно зову́щу:// препѣтый ѡтцѣв и нас Бѡже, благословѣн еси.

Сла́ва, Го́споди, Кресту́ Твоему́ Честно́му.

Жезла́ объёмлет край Ио́сифова,/ б́удущая зря, Изра́иль,/ Ца́рствия держа́вное,/ яко возыму́ществит пресла́вный Крест, проявля́я:/ сей бо царей победоно́сная похвала́

Сла́ва Отцу́ и Сы́ну и Свято́му Ду́ху.

И ны́не и прісно и во ве́ки веко́в. Ами́нь.

Поём:

Катавасия:

Безу́мное веление мучи́теля злочести́ваго лю́ди поколебá,/ ды́шущее преще́ние и злохуле́ние богоме́рзкое,/ оба́че три о́троки не устраши́ я́рость зве́рская,/ ни огонь снеда́й,/ но противоды́шущу росоно́сному Ду́ху,/ со огнём су́ще, по́яху:// препе́тый отце́в и нас Бо́же, благослове́н еси́.

Пе́снь 8.

Ирмо́с:

Благослови́те, о́троцы,/ Трѳи́цы равночи́сленнии,/ Содо́теля Отца́ Бо́га,/ по́йте снизше́дшее Сло́во,/ и огонь в ро́су претво́ршее,/ и превозно́сите всем жизнь подава́ющаго// Ду́ха Всесвята́го во ве́ки.

Чтец:

Сла́ва, Го́споди, Кресту́ Твоему́ Честно́му.

Воздвиза́ему Дре́ву,/ окроплéну Кро́вию вопло́щагоса Сло́ва Бо́га,/ по́йте, Небе́сныя Си́лы;/ земны́х воззва́ние

празднующе, лю́дие,/ поклоні́тесь Христо́ву Кресту́,/
імже мі́ру воста́ние во ве́ки.

Сла́ва, Го́споди, Кресту́ Твоему́ Честно́му.

Земнорóднии, длáньми, строі́телие благода́ти,/ Крест, на
не́мже сто́яше Христós Бог, возно́сите священнолéпно/ и
копие, Бо́жия Сло́ва Тéло пробóдшее,/ да ві́дят язы́цы вси
спасéние Бо́жие,// сла́вяще Егó во ве́ки.

Сла́ва, Го́споди, Кресту́ Твоему́ Честно́му.

Божéственным судóм предызбрáннии, веселі́тесь,/
христиáнстии вéрнии ца́рие,/ хвалі́тесь победоно́сным
ору́жием,/ приéмше от Бо́га Крест честный:/ в сем бо
колéна бра́ней, де́рзости і́щуще,// разсыпа́ются во ве́ки.
(Дважды)

Благослові́м Отца́, и Сы́на, и Свята́го Ду́ха, Го́спода.

И ны́не и прі́сно и во ве́ки веко́в, амі́нь.

Поє́м:

Хва́лим, благослові́м, покланя́емся Го́сподеви, пою́ще и
превозно́сяще во вся ве́ки.

Катавасія:

Благослові́те, о́троцы,/ Трóицы равноч́исленнии,/
Содéтеля Отца́ Бо́га,/ по́йте снизше́дшее Сло́во/ и огонь в

ро́су претво́ршее/ и превозно́сите всем жизнь
подава́ющаго// Ду́ха Всесвята́го во ве́ки.

Пёснь 9.

Ирмо́с:

Велича́й, душе́ моя́,/ пречестный́ Крест Госпо́день.

Таин еси́, Богоро́дице, рай,/ невозде́ланно возрасти́вший
Христа́,/ Имже крёстное живонóсное на земли́ насади́ся
Дре́во./ Тем, ны́не возно́симу,// покланя́ющеся Ему́, Тя
велича́ем.

Велича́й, душе́ моя́,/ пречестный́ Крест Госпо́день.

Чтец:

Да возра́дуются древа́ дубра́вная вся, освяти́вшуся
естеству́ их,/ от Него́же изнача́ла насади́шася,/ Христу́
распросте́ршуся на Дре́ве;/ тем, ны́не возно́симу,//
покланя́ющеся Ему́, Тя велича́ем.

Поём:

Велича́й, душе́ моя́,/ пречестный́ Крест Госпо́день.

Чтец:

Свяще́нный воста́ рог/ и глава́ всем богому́дрым, Крест,/
имже грёшных мы́сленно стира́ются ро́зи вси;// тем, ны́не
возно́симу, покланя́ющеся ему́, Тя велича́ем.

Поѣм:

**Величай, душе́ моя,/ животворящаго Креста́ Господня
воздвѣженіе.**

Чтец:

Горести убійственныя, яже от дре́ва, не оста́вив,
Господи,/ Крестомъ бо сию́ соверше́нно истреби́л еси́./
Сего́ ра́ди и дре́вом усади́ иногда́ горестъ вод Мѣрры:/
прообра́зующее Креста́ де́йство,// е́же вся Сѣлы Небе́сныя
велича́ют.

Поѣм:

**Величай, душе́ моя,/ животворящаго Креста́ Господня
воздвѣженіе.**

Непреста́нно гружа́емая мракомъ пра́отца, Господи,/
Крестомъ возвы́сил еси́ днесь,/ я́ко бо ле́стию ве́сьма
неудержа́нно естество́ преднизведѣ́ся,/ всеро́дне ны па́ки
испра́ви свет Креста́ Твоего́,// его́же, ве́рнии, велича́ем.

Поѣм:

**Величай, душе́ моя,/ животворящаго Креста́ Господня
воздвѣженіе.**

Чтец:

Да о́браз пока́жеш ми́ру покланя́емый, Господи, Креста́,/
во всехъ я́ко пресла́вный, на небесе́х изобрази́л еси́,/ све́том
безме́рным оза́рен,/ царю́ всеору́жие непобеди́мое.// Темъ
Тя вся Сѣлы Небе́сныя велича́ют.

Поєм:

Велича́й, душе́ моя́,/ пречестный́ Крест Господень.

Чтец:

Сла́ва Отцу́ и Сы́ну и Свято́му Ду́ху.

И ны́не и прісно и во ве́ки веко́в. Ами́нь.

Поєм:

Катавасия:

Та́ин еси́, Богоро́дице, рай,/ невозде́ланно возрасти́вший
Христа́,/ Имже крестное живоно́сное на земли́ насади́ся
Дре́во./ Тем, ны́не возно́симу,// покланя́ющеся Ему́, Тя
велича́ем.

Чтец:

Светилен:

Крест — храни́тель все́й вселénныя,/ Крест — красота́
Церкве,/ Крест — на́ша держа́ва,/ Крест — ве́рных
утвержде́ние,// Крест — Ангелов сла́ва и де́монов язва.

Крест воздвиза́ется днесь, и мир освяща́ется:/ Иже бо со
Отце́м седя́й и Ду́хом Святы́м на сем ру́це распростре́,/
мир весь привлече́ к Твоему́, Христé, позна́нию;/ иже у́бо
на Тя наде́ющиеся// божéственныя сподо́би сла́вы.

Стихиры на хвалитех, глас 8:

Поѣм:

Всякое дыхание да хвалит Господа. Хвалите Господа с небес, / хвалите Его в вышних. / Тебе подобает песнь Богу.

Хвалите Его, вси Ангели Его, / хвалите Его, вся Силы Его. / Тебе подобает песнь Богу.

Чтец:

О, преслávнаго чудесé,/ живонóсный сад,/ Крест пресвятýй/ на высотú возносímь явлýется днесь./ Славослóвят вси концý земнýи,/ устрашáются дéмонския полкý./ О, каковýй дар земнýм даровáся!/ Имже, Христé, спасí дýши нáша,// я́ко Едín Благоутрóбен.

Поѣм:

О, преслávнаго чудесé,/ я́ко грозд, испóлнен животá,/ понесýй Вýшняго,/ от земл́и воздвизáемь Крест в́идится днесь,/ ýмже вси к Бóгу привлéкохомся,/ и пожérта бысть до концá смерть./ О, Дрéво пречестнóе,/ ýмже воспри́яхом во Едéме безсмéртную п́ищу,// Христá сла́вяще!

Чтец:

О, преслávнаго чудесé,/ широтá Крестá и долготá/ Небесí равнá есть,/ я́ко Божéственною благодáтию освящáет всýческая./ О сем язы́цы вáрварстии побежда́ются,/ о сем ски́птры царéй утвержда́ются./ О,

божественныя лѣствицы,/ ёюже восхóдим на Небесá,//
возносяще в пѣснях Христá Гóспода.

Слáва Отцúи Сыну и Святóму Дúхуи ныне и прýсно и во
вѣки векóв. Амíнь.

Поём:

Днесь происхóдит Крест Госпóдень,/ и вѣрнии приѣмлют
тогó желáнием,/ и взѣмлют исцелѣния душí же и тѣла/ и
всякия болѣзни./ Сегó целúим рáдостью и стрáхом:/
стрáхом, грехá рáди, я́ко недостóйни сýще;/ рáдостью же,
спасѣния рáди,/ ёже подаёт мíру на том пригвоздívыйся
Христóс Бог,// имéяй вѣлию мíлость.

Великое славословие:

Чтец:

Слава Тебе, показавшему нам свет.

Поём:

Слава в вышних Богу, и на земли мир, в
человецех благоволение.

Хвалим Тя, благословим Тя, кланяем Ти ся, славословим
Тя, благодарим Тя великия ради славы Твоея.

Господи, Царю Небесный, Боже, Отче Вседержителю,
Господи Сыне Единородный, Иисусе Христе, и Святый
Душе.

Господи Боже, Агнче Божий, Сыне Отець, возьми грех мира, помилуй нас.

Возьми грех мира, прими молитву нашу.

Сядь одесную Отца, помилуй нас.

Яко Ты еси Един Свят; Ты еси Един Господь, Иисус Христос, в славу Бога Отца, аминь.

На всяк день благословлю Тя и восхваляю имя Твое во веки, и в век века.

Сподоби, Господи, в день сей без греха сохраниться нам!

Благословен еси, Господи Боже отец наших, и хваляно и прославлено имя Твое во веки, аминь.

Буди, Господи, милость Твоя на нас, якоже уповахом на Тя.

Благословен еси, Господи, научи мя оправданием Твоим (Трижды)

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе.

Господи, к Тебе прибегах: научи мя творить волю Твою, яко Ты еси Бог мой, яко у Тебе источник живота, во свете Твоем узрим свет. Пробави милость Твою ведущим Тя!

Святой Боже, Святой Крепкий, Святой Безсмертный, помилуй нас! (Трижды)

Слава Отцу и Сыну и Святому Духу, и ныне и присно и во веки веков, аминь.

Святой Безсмертный, помилуй нас.

Святы́й Бо́же, Святы́й Крепкий, Святы́й Безсмертный,
поми́луй нас!

Тропарь:

Спаси́, Го́споди, лю́ди Твоя́/ и благослови́ достоя́ние
Твое́,/ побéды на сопроти́вныя да́руя// и Твое́ сохраня́я
Кресто́м Твои́м жи́тельство.

Чтец: Молитва за вся люди

Поём:

Аминь.

Спаси, Господи, люди Твоя и благослови достояние Твое,
победы на сопротивныя даруя и Твое сохраняя Крестом
Твоим жительство.

Слава Отцу и Сыну и Святому Духу и ныне и присно и во
веки веков. Аминь.

Господи помилуй (Трижды).

Благослови.

Чтец:

Моли́твами святы́х оте́ц на́ших, Го́споди Иису́се Христé,
Бо́же наш, поми́луй нас

Поём:

Аминь.

Поздравительное слово.